

ՊԱՅՄԱՆԱԳԻՐ N ՀՀՀ-ՄԱԾՁԲ-22/86-Պ

ք. Երևան

18-ը նոյեմբերի 2022թ.

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրեն Հովհաննես Մովսիսյանի, ով գործում է ընկերության Կանոնադրության հիման վրա, մի կողմից, և

«Գրավիթի Փրոդաքշն» սահմանափակ պատասխանատվության ընկերությունը (այսուհետ՝ Կատարող), ի դեմս տնօրեն Արամայիս Հայրապետյանի, ով գործում է կանոնադրության հիման վրա, մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),
կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ ԵՎ ԸՆԴՀԱՆՈՒՐ ՊԱՅՄԱՆՆԵՐԸ

- 1.1. Սույն Պայմանագրով Կատարողը պարտավորվում է Պատվիրատուի պատվերով նկարահանել և պատրաստել «Մանկական Եվրատեսիլ 2022» երգի միջազգային մրցույթի շրջանակներում Հայաստանի Հանրապետության պատվիրակի երգի տեսահոլովակը (այսուհետ՝ Տեսահոլովակ) և սույն Պայմանագրով սահմանված կարգով և Կողմերի կողմից համաձայնեցված ձևաչափով և եղանակով հանձնել Պատվիրատուին (այսուհետ՝ Ծառայություններ), իսկ Պատվիրատուն պարտավորվում է ընդունել մատուցված Ծառայությունները և վճարել դրանց դիմաց՝ սույն Պայմանագրով սահմանված կարգով, չափով և ժամկետում:
- 1.2. Սույն Պայմանագրով սահմանված Ծառայությունները ներառում են Տեսահոլովակի նկարահանման և մոնտաժման համար անհրաժեշտ և բավարար բոլոր գործողությունների կատարումը:
- 1.3. Տեսահոլովակի մանրամասն բնութագիրը (սյուժեն) Կատարողի կողմից պետք է նախապես համաձայնեցվի Պատվիրատուի հետ:
- 1.4. Կողմերն արձանագրում են, որ Տեսահոլովակի նկատմամբ բոլոր բացառիկ գույքային իրավունքները ՀՀ օրենսդրությամբ նախատեսված առավելագույն ծավալով, առանց տարածքային սահմանափակման և համապատասխան իրավունքների գործողության ամբողջ ժամանակահատվածում, պատկանում են Պատվիրատուին: Սույն կետով նախատեսված իրավունքները ծագում են Կողմերի միջև համապատասխան հանձնման-ընդունման ակտի ստորագրման պահից:
- 1.5. Կատարողը երաշխավորում է, որ Տեսահոլովակը կպատրաստի առանց անօրինական ներգործության կամ այլ ստեղծագործությունների անօրինական օգտագործման, այդ թվում՝ հանրահայտ և հանրամատչելի, և որ դրանց ստեղծման ժամանակ չեն օգտագործվի մտավոր գործունեության այնպիսի արդյունքներ, որոնք ստեղծվել կամ ստեղծվում են այլ պատվիրատուների համար, բացառությամբ այն դեպքերի, երբ այդպիսի օգտագործումն օրենքով սահմանված կարգով համաձայնեցված է իրավատերերի հետ և չի խախտում երրորդ անձանց իրավունքները:
- 1.6. Տեսահոլովակում Կատարողի կողմից օգտագործվող հեղինակային իրավունքի և հարակից իրավունքների օբյեկտների օգտագործման իրավաչափության համար պատասխանատվությունը կրում է Կատարողը:
- 1.7. Կատարողն ապահովում է իր հաշվին երրորդ անձանցից բոլոր անհրաժեշտ համաձայնությունների, թույլտվությունների ձեռքբերումը, և (կամ) նրանց հետ պայմանագրերի ստորագրումը և այլ անհրաժեշտ գործողությունների իրականացումը, որը պահանջվում է կիրառելի օրենսդրությամբ Տեսահոլովակի նկատմամբ բոլոր գույքային իրավունքների, ներառյալ՝ հեղինակի բոլոր գույքային իրավունքները, սույն Պայմանագրի համաձայն Պատվիրատուին փոխանցելու համար:

- 1.8. Կատարողը պարտավոր է ապահովել Տեսահոլովակի համապատասխանությունը ՀՀ քաղաքացիական օրենսգրքի, «Տեսալսողական մեդիայի մասին» ՀՀ օրենքի, «Գովազդի մասին» ՀՀ օրենքի, «Հեղինակային և հարակից իրավունքների մասին» ՀՀ օրենքի և այլ կիրառելի իրավական ակտերի պահանջներին:
- 1.9. Սույն Պայմանագրով սահմանված պայմանները տարածվում են Կողմերի միջև մինչև Պայմանագրի կնքումը առաջացած հարաբերությունների նկատմամբ, մասնավորապես՝ Ծառայությունները մատուցվում են 2022թ. նոյեմբերի 04-ից մինչև 2022թ.-ի նոյեմբերի 18-ը ներառյալ:
- 1.10. Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները, համաձայնությունները և միջոցները:

2. ՀԱՆՁՆՄԱՆ-ԸՆԴՈՒՆՄԱՆ ԿԱՐԳԸ

- 2.1 Սույն Պայմանագրով նախատեսված Տեսահոլովակը Կատարողը սույն Պայմանագրով սահմանված կարգով և Կողմերի կողմից բանավոր համաձայնեցված ձևաչափով և եղանակով Պատվիրատուին է ներկայացնում ոչ ուշ, քան սույն Պայմանագրով Ծառայությունների մատուցման համար սահմանված ժամկետի վերջին օրը:
- 2.2 Տեսահոլովակը ստանալուց 3 (երեք) աշխատանքային օրվա ընթացքում Պատվիրատուի ներկայացուցիչը ստուգում է Տեսահոլովակի սցենարի, տեխնիկական չափանիշների համապատասխանությունը Կատարողի հետ ձեռքբերված համաձայնություններին:
- 2.3 Ծառայությունների հանձնում-ընդունումն արձանագրվում է Կատարողի կողմից ներկայացվող հանձնման-ընդունման ակտի հիման վրա: Հանձնման-ընդունման ակտի հետ միասին Կատարողը Պատվիրատուին է ներկայացնում նաև իր կողմից հաստատված հաշիվ-վավերագիրը՝ Ծառայությունների մատուցման ավարտից հետո 5 (հինգ) աշխատանքային օրվա ընթացքում:
- 2.4 Սույն Պայմանագրի 2.2 կետին համապատասխան Տեսահոլովակի սցենարի, տեխնիկական չափանիշների ստուգման արդյունքում թերություններ չհայտնաբերելու դեպքում Պատվիրատուի ներկայացուցիչը Պայմանագրի 2.2. կետում նշված ժամկետում հաստատում է հանձնման-ընդունման ակտը և հաշիվ-վավերագիրը:
- 2.5 Սույն Պայմանագրի 2.2 կետին համապատասխան Տեսահոլովակի սցենարի, տեխնիկական չափանիշների ստուգման արդյունքում թերություններ հայտնաբերելու դեպքում, Տեսահոլովակը Պատվիրատուի կողմից չի ընդունվում, Պատվիրատուն տեղեկացնում է Կատարողին թերությունների մասին, որոնք ենթակա են վերացման ողջամիտ ժամկետում և/կամ ձեռնարկում սույն Պայմանագրով և ՀՀ օրենսդրությամբ նախատեսված այլ միջոցներ:
- 2.6 Այն դեպքում, եթե Պատվիրատուն սույն Պայմանագրի 2.2 կետում նշված ժամկետում չի հաստատում հանձնման-ընդունման ակտը և Կատարողին չի ներկայացնում դրա հիմնավորումը, ապա հանձնման-ընդունման ակտը համարվում է հաստատված Պատվիրատուին ներկայացնելու ամսաթվով և Պատվիրատուն պարտավորություն է կրում հաստատելու Կատարողի ներկայացրած հաշիվ-վավերագիրը և վճարելու դրանով նախատեսված գումարը:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒՅՈՒՆՆԵՐԸ

3.1. Պատվիրատուն իրավունք ունի՝

- 3.1.1. Օգտագործել Տեսահոլովակը սեփական հայեցողությամբ, ինչպես նաև երրորդ անձանց արգելել կամ թույլատրել օգտագործել այն՝ ՀՀ օրենսդրությամբ չարգելված ցանկացած եղանակով,
- 3.1.2. Կատարողից պահանջել սույն Պայմանագրով նախատեսված Ծառայությունները մատուցել ամբողջությամբ, պատշաճ որակով և սահմանված ժամկետում,
- 3.1.3. Հետևել Ծառայությունների մատուցման ընթացքին և որակին՝ առանց միջամտելու Կատարողի գործունեությանը՝ պահանջելով տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 3.1.4. Սույն Պայմանագրով իր ակնկալած արդյունքին հասնելու նպատակով Կատարողին տալ Ծառայությունների մատուցմանը վերաբերելի ողջամիտ ցուցումներ,

- 3.1.5. Պահանջել Կատարողից աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև Ծառայություններն ընդունելիս,
- 3.1.6. Միակողմանիորեն լուծել սույն Պայմանագիրը և Կատարողից պահանջել հատուցել Պատվիրատուին պատճառված վնասները՝ ներառյալ բաց թողնված օգուտը, եթե՝
- I. Կատարողը խախտել է սույն Պայմանագրով, ինչպես նաև Կողմերի համաձայնությամբ Տեսահոլովակի համար սահմանված բնութագիրը և ողջամիտ ժամկետում իր հաշվին չի շտկել նշված թերությունը կամ խախտման բնույթից ակնհայտ է, որ այն չի կարող շտկվել ողջամիտ ժամկետում,
 - II. Կատարողը սույն Պայմանագրով սահմանված ժամկետում չի ներկայացրել Տեսահոլովակը,
 - III. Կատարողն այլ կերպ թույլ է տվել սույն Պայմանագրի էական խախտում:
- 3.2. **Պարվիրատուն պարտավոր է՝**
- 3.2.1. Ողջամտության սահմաններում Կատարողին ապահովել սույն Պայմանագրով սահմանված Ծառայությունների մատուցման համար անհրաժեշտ բոլոր պայմաններով, այդ թվում, բայց չսահմանափակվելով, նշանակել Պայմանագրի կատարման համար պատասխանատու կոնտակտային անձ, ով Կատարողի հետ կհամաձայնեցնի Տեսահոլովակի փոխանցման ձևաչափը և եղանակը և սույն Պայմանագրի պատշաճ կատարման համար անհրաժեշտ այլ հարցեր, Կատարողի ներկայացուցիչներին տրամադրել Պատվիրատուի տարածք մուտք գործելու հնարավորություն, ապահովել նկարահանման համար անհրաժեշտ տաղավարներից մեկը և այլն,
 - 3.2.2. Սույն Պայմանագրով նախատեսված կարգով և ժամկետում ընդունել սույն Պայմանագրին համապատասխան Կատարողի կողմից պատրաստված Տեսահոլովակը, իսկ թերություններ հայտնաբերելու դեպքում՝ այդ մասին հայտնել Կատարողին,
 - 3.2.3. Վճարել Կատարողին պատշաճ մատուցված Ծառայությունների դիմաց՝ սույն Պայմանագրով սահմանված կարգով, չափով և ժամկետում:
- 3.3. **Կատարողն իրավունք ունի՝**
- 3.3.1. Ողջամտության սահմաններում Պատվիրատուից պահանջել ապահովել իրեն սույն Պայմանագրի կատարման համար անհրաժեշտ բոլոր պայմաններով,
 - 3.3.2. Պատվիրատուից պահանջել սույն Պայմանագրով սահմանված կարգով և ժամկետում ընդունել պատշաճ մատուցված Ծառայությունները,
 - 3.3.3. Պատվիրատուից պահանջել վճարել իր կողմից սույն Պայմանագրի պայմաններին համապատասխան ընդունված Ծառայությունների դիմաց՝ սույն Պայմանագրով սահմանված կարգով, չափով և ժամկետում:
- 3.4. **Կատարողը պարտավոր է՝**
- 3.4.1. Ինչպես սոցիալական մեդիա հարթակներում իր պաշտոնական էջերի միջոցով, այնպես էլ որևէ այլ հարթակներում առանց Պատվիրատուի նախնական գրավոր համաձայնության չտարածել որևէ տեղեկատվություն սույն Պայմանագրով մատուցվող Ծառայությունների վերաբերյալ, ներառյալ՝ Տեսահոլովակի գաղափարի, ներգրավված մասնակիցների, հեռարձակման ենթադրյալ ժամկետի կամ Տեսահոլովակին վերաբերող որևէ այլ հանգամանքի վերաբերյալ, չհրապարակել կադրեր Տեսահոլովակի նկարահանման գործընթացից, ինչպես նաև երաշխավորել Ծառայությունների մատուցման գործընթացում աշխատանքային, ծառայությունների մատուցման կամ որևէ այլ պայմանագրի հիման վրա ներգրավված անձանց կողմից այդպիսի տեղեկատվության գաղտնիության պահպանումը,
 - 3.4.2. Ծառայությունները մատուցել անձամբ, սեփական ուժերով և միջոցներով: Ծառայությունների մատուցմանը Կատարողի կողմից երրորդ անձանց ներգրավելը հնարավոր է միայն Պատվիրատուի նախնական գրավոր համաձայնությամբ: Սույն կետի իմաստով երրորդ անձ է համարվում Կատարողի կողմից սույն Պայմանագրով սահմանված Ծառայությունների կամ դրա առանձին գործողությունների պատվիրակման դեպքում որպես կողմ հանդես եկող կոնտրագենտ(ներ)ը: Սույն կետի իմաստով երրորդ անձ չեն համարվում սույն Պայմանագրի Հավելված 1-ում նշված անձնակազմի ներկայացուցիչները:

- 3.4.3. Ծառայությունները մատուցել պատշաճ որակով, ՀՀ օրենսդրության պահանջներին, ինչպես նաև Ծառայությունների մատուցումը կարգավորող կիրառելի նորմերին, կանոններին և ստանդարտներին համապատասխան,
- 3.4.4. Ծառայությունները մատուցել ամբողջությամբ, իսկ արդյունքները Պատվիրատուին հանձնել՝ սույն Պայմանագրով սահմանված ժամկետում և կարգով,
- 3.4.5. Հետևել սույն Պայմանագրի պայմանների սահմաններում Պատվիրատուի տված ողջամիտ ցուցումներին,
- 3.4.6. Աջակցել Պատվիրատուին Ծառայությունների մատուցման ընթացքը և որակը ստուգելիս, սույն Պայմանագրի 3.1.3 կետով սահմանված կարգով Պատվիրատուի համապատասխան պահանջը ստանալուց 1 (մեկ) աշխատանքային օրվա ընթացքում Պատվիրատուին տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 3.4.7. Աջակցել Պատվիրատուին Ծառայություններն ընդունելիս,
- 3.4.8. Պատվիրատուի կողմից սահմանված ողջամիտ ժամկետում անհատույց վերացնել Ծառայությունների մատուցման արդյունքներում հայտնաբերված թերությունները,
- 3.4.9. Որևէ ձևով չօգտագործել Տեսահոլովակը կամ դրա մասը, ինչպես նաև երրորդ անձանց չտրամադրել նման օգտագործման թույլտվություն՝ առանց Պատվիրատուի նախնական գրավոր համաձայնության,
- 3.4.10. Ամբողջությամբ հատուցել Տեսահոլովակի պատրաստման ընթացքում իր կողմից երրորդ անձանց հեղինակային իրավունքի և հարակից իրավունքների կամ ՀՀ օրենսդրության այլ պահանջների խախտման հետևանքով Պատվիրատուի կրած բոլոր վնասները՝ ներառյալ բաց թողնված օգուտը:

4. ՊԱՅՄԱՆԱԳՐԻ ԱՐԺԵՔԸ ԵՎ ՎՃԱՐՄԱՆ ԿԱՐԳԸ

- 4.1. Սույն Պայմանագրով նախատեսված Ծառայությունների ընդհանուր արժեքը կազմում է 8 484 003 (ութ միլիոն չորս հարյուր ութսունչորս հազար երեք) ՀՀ դրամ՝ ներառյալ հարկերը, համաձայն սույն Պայմանագրի Հավելված 1-ով սահմանված նախահաշվի:
- 4.2. Սույն Պայմանագրի 4.1 կետով սահմանված գումարը Պատվիրատուն վճարում է Կատարողի բանկային հաշվեհամարին անկանխիկ փոխանցմամբ՝ հանձնման-ընդունման ակտի և հաշիվ-վավերագրի երկկողմանի հաստատվելուց, ինչպես նաև Կատարողի կողմից ծախսերը հիմնավորող փաստաթղթերը ներկայացնելուց ու Պատվիրատուի կողմից ընդունելուց հետո 5 (հինգ) աշխատանքային օրվա ընթացքում:
- 4.3. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը:
- 4.4. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:
- 4.5. Ծառայությունների հանձնումն արձանագրող հանձնման-ընդունման ակտի հետ միաժամանակ Կատարողը Պատվիրատուին է ներկայացնում նաև Պայմանագրի Հավելված 1-ով նախատեսված նախահաշվում կամ ծախսային ուղղությունները փոփոխելու մասին Կողմերի միջև գրավոր ստորագրված համաձայնությամբ նշված ծախսերի փաստացի կատարումը հիմնավորող պատշաճ փաստաթղթեր: Սույն կետով սահմանված կարգով փաստաթղթերի ներկայացման հետ միաժամանակ Կատարողը Պատվիրատուին է տրամադրում սույն Պայմանագրի Հավելված 2-ում նշված ձևով լրացված հաշվետվությունը: Ընդ որում սույն կետով սահմանված կարգով ներկայացված փաստաթղթերը պետք է համապատասխանեն Հարկային օրենսգրքի 55-րդ հոդվածի պահանջներին, իսկ սույն Պայմանագրի Հավելված 1-ում կամ ծախսային ուղղությունները փոփոխելու մասին Կողմերի միջև գրավոր ստորագրված համաձայնությամբ նշված այն ծախսերի փաստացի կատարումը, որոնք ձեռք են բերվել ֆիզիկական անձանցից ծառայությունների մատուցման կամ աշխատանքային պայմանագրի շրջանակներում, հիմնավորելու համար Կատարողը ի թիվս համապատասխան պայմանագրի և հանձնման-ընդունման ակտի պարտավորվում է ներկայացնել նաև հաշվետու ժամանակահատվածում եկամտային հարկի հաշվարկները:

- 4.6. Սույն Պայմանագրի 4.5. կետով նախատեսված փաստաթղթերը, հաշվետվությունը չներկայացնելու կամ թերի (ոչ պատշաճ, ոչ հիմնավոր) ներկայացնելու դեպքում Պատվիրատուն չի վճարում հանձնման-ընդունման ակտով նախատեսված գումարը, այն մասով որով չի ներկայացվել կամ թերի է ներկայացվել համապատասխան ծախսի կատարումը Պատվիրատուի կողմից համապատասխան ծախսը կհամարվի չհիմնավորված: Այն դեպքում, երբ սույն կետում նշված ոչ հիմնավոր ծախսը գումարային արտահայտությամբ մեծ է Կատարողին վճարման ենթակա գումարից, ապա այդպիսի ծախսերն ամբողջությամբ կհամարվեն չհիմնավորված և Կատարողը պարտավոր կլինի Պատվիրատուին վերադարձնել ստացված գումարների այն մասը, որը գերազանցում է չվճարված մասին՝ համապատասխան պահանջը ներկայացնելու օրվանից 15 (տասնհինգ) օրվա ընթացքում: Փաստաթղթերի՝ սույն կետով սահմանված պատշաճությունը և հիմնավորվածությունը որոշում/գնահատում է Պատվիրատուն, դրանք ներկայացնելուց հետո 10 (տաս) աշխատանքային օրվա ընթացքում:
- 4.7. Կողմերը արձանագրում են, որ բոլոր այն դեպքերում, երբ սույն Պայմանագրի 4.5. կետի հիման վրա Կատարողը դիպես ծախսերի կատարումը հիմնավորող փաստաթուղթ ներկայացնում է հսկիչ դրամարկղային կտրոն կամ միակողմանի գնման ակտ, որոնցում չի ներառվում գնորդի ՀՎՀՀ-ն, գնման առարկան, քանակը, ԱՏԳԱԱ կողը կամ գնումը (ապրանքների կամ ծառայությունների) նույնականացնող այլ տվյալներ, Կատարողը պարտավորվում է ներկայացնել իր կողմից հաստատված գնման մանրամասներին վերաբերող բացվածք, որի հավաստիության համար պատասխանատվություն է կրում ՀՀ օրենսդրությամբ սահմանված կարգով:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1. Կողմերը պատասխանատվություն են կրում սույն Պայմանագրով նախատեսված պարտականությունների չկատարման կամ ոչ պատշաճ կատարման համար:
- 5.2. Պատվիրատուի պահանջով Կատարողն իր ռաշվին, իր միջոցներով և Պատվիրատուի կողմից սահմանված ողջամիտ ժամկետում պարտավոր է վերացնել մատուցված Ծառայություններում իր մեղքով տեղ գտած թերությունները: Նշված թերությունները Պատվիրատուի սահմանած ողջամիտ ժամկետում չվերացվելու դեպքում Պատվիրատուն իրավասու է Կատարողից գանձել տուգանք՝ Ծառայությունների ընդհանուր արժեքի 20 (քսան) տոկոսի չափով, պահանջել իր կրած վնասների, ներառյալ, բայց չսահմանափակվելով, խախտված իրավունքները վերականգնելու համար կատարած ծախսերի և բաց թողնված օգուտի հատուցում և ըստ հայեցողության սույն Պայմանագրի 3.1.6 կետով սահմանված կարգով լուծել Պայմանագիրը:
- 5.3. Տեսահոլովակը հանձնելու սույն Պայմանագրով սահմանված ժամկետը խախտելու դեպքում Պատվիրատուն իրավունք ունի Կատարողից գանձել տույժ՝ կետանցի յուրաքանչյուր օրվա համար Ծառայությունների ընդհանուր արժեքի 0,1 (զրո ամբողջ մեկ տասնորդական) տոկոսի չափով և ըստ հայեցողության սույն Պայմանագրի 3.1.6 կետով սահմանված կարգով լուծել Պայմանագիրը:
- 5.4. Սույն Պայմանագրի 5.2. կետով նախատեսված տուգանքը, ինչպես նաև 5.3. կետով նախատեսված տույժը, կարող է հաշվարկվել և հաշվանցվել Կատարողին վճարման ենթակա գումարներից:
- 5.5. Մատուցված Ծառայությունների դիմաց վճարելու սույն Պայմանագրով սահմանված ժամկետը խախտելու դեպքում Կատարողն իրավունք ունի Պատվիրատուից գանձել տույժ՝ կետանցի յուրաքանչյուր օրվա համար վճարման ենթակա գումարի 0,1 (զրո ամբողջ մեկ տասնորդական) տոկոսի չափով, բայց ոչ ավել, քան վճարման ենթակա գումարի 5 (հինգ) տոկոսը:
- 5.6. Կատարողը պարտավոր է Պատվիրատուին գերծ պահել երրորդ անձանց կողմից Պատվիրատուին ներկայացված ցանկացած այնպիսի պահանջից, վեճից, հայցից, որոնք Կատարողի կողմից սույն Պայմանագրով նախատեսված պարտականությունների կամ երաշխիքների խախտման արդյունք են, ինչպես նաև հատուցել նման պահանջի, վեճի կամ հայցի արդյունքում Պատվիրատուին պատճառված բոլոր վնասները՝ ներառյալ բաց թողնված օգուտը:
- 5.7. Տուժանքների վճարումը չի ազատում Կողմերին սույն Պայմանագրով ստանձնած պարտականությունների ամբողջական կատարումից, եթե այլ բան նախատեսված չէ ՀՀ օրենսդրությամբ:

- 5.8. Սույն Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6. ՖՈՐՍ-ՄԱԺՈՐ

- 6.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են ջրհեղեղը, հրդեհը, երկրաշարժը, փոթորիկը, սողանքը և բնական այլ աղետները, պայթյունը, պատերազմը, ռազմական և արտակարգ դրություն հայտարարելը, քաղաքացիական հուզումները, գործադուլները, հաղորդակցության միջոցների աշխատանքի դադարեցումը, համաճարակները, էմբարգոն, սույն Պայմանագրի էական պայմանները կարգավորող օրենսդրության փոփոխությունները, պետական մարմինների ակտերը և այլն, որոնք անհնարին են դարձնում սույն Պայմանագրով սահմանված պայմաններով պարտավորությունների կատարումը:
- 6.2. Կողմը, որի մոտ ծագել է ֆորսմաժորային իրավիճակ, պետք է առաջին իսկ հնարավորության դեպքում, սակայն ոչ ուշ, քան նման իրավիճակի վրա հասնելուց 10 (տասը) աշխատանքային օրվա ընթացքում ծանուցի մյուս Կողմին նման իրավիճակի առաջացման, իսկ հետագայում նաև՝ բնականոն պայմանների վերականգնման մասին, հակառակ դեպքում կզրկվի ապագայում ֆորսմաժորային իրավիճակը որպես հիմնավորում օգտագործելու իրավունքից:
- 6.3. Ֆորսմաժորային իրավիճակի վերաբերյալ հանդիպակաց Կողմին ծանուցում ուղարկելու պահից Կողմի համապատասխան պայմանագրային պարտավորությունների կատարման պահանջը համարվում է կասեցված մինչև Պայմանագրի կատարման համար բնականոն պայմանների վերականգնումը:
- 6.4. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

7. ԳԱՂՏՆԻՈՒԹՅՈՒՆ

- 7.1. Սույն Պայմանագրի վերաբերյալ բանակցություններին կամ Պայմանագրի պայմաններին, այդ թվում՝ արժեքին, Պայմանագրից բխող գործողություններին առնչվող ողջ տեղեկատվությունը (այդ թվում՝ փաստաթղթերը), բացառությամբ զանգվածային տեղեկատվության միջոցներում առկա տեղեկատվության (եթե այդպիսին առկա է) և Պայմանագրի պայմանների կամ դրանց մի մասի ՀՀ օրենսդրությամբ պարտադիր հրապարակման դեպքերի, գաղտնի է և չի կարող տրամադրվել որևէ երրորդ կողմի, բացառությամբ մյուս Կողմի նախապես տրամադրած գրավոր համաձայնության կամ ՀՀ օրենսդրությամբ նախատեսված դեպքերի:
- 7.2. Կողմերը պարտավոր են սույն Պայմանագրի գործողության, ինչպես նաև դրան հաջորդող 3 (երեք) տարիները ընթացքում, ապահովել համապատասխան տեղեկատվության գաղտնիությունը և պատշաճ պաշտպանությունը՝ գործադրելով առնվազն այնպիսի ջանքեր, ինչպիսիք կգործադրեին իրենց իսկ նման տեղեկատվության պաշտպանության համար:

8. ԵԶՐԱՓՈՒԿԻՉ ԴՐՈՒՅԹՆԵՐ

- 8.1. Սույն Պայմանագիրն ուժի մեջ է մտնում երկկողմանի ստորագրման պահից և գործում՝ մինչև Կողմերի համար դրանով նախատեսված պարտավորությունների ամբողջական և պատշաճ կատարումը:
- 8.2. Առկայության դեպքում, սույն Պայմանագրով նախատեսված հիմնական միջոցները, որոնք ձեռք են բերվում Կատարողի կողմից սույն Պայմանագրով նախատեսված Ծառայությունների մատուցման համար, անցնում են Պատվիրատուի սեփականությանը՝ սույն Պայմանագրով նախատեսված Ծառայությունների մատուցման ավարտին Կողմերի միջև ստորագրվող հանձնման-ընդունման ակտի հիման վրա:
- 8.3. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:

- 8.4. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցելու երրորդ անձի՝ առանց մյուս Կողմի գրավոր համաձայնության:
- 8.5. Սույն Պայմանագրի Հավելված 1-ը և Հավելված 2-ը հանդիսանում են սույն Պայմանագրի անբաժանելի մասերը:
- 8.6. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 8.7. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված՝ Կողմերի ներկայացուցիչների կողմից:
- 8.8. Սույն Պայմանագիրը կարող է վաղաժամկետ լուծվել Պայմանագրով, ՀՀ օրենսդրությամբ նախատեսված հիմքերով և կարգով, ինչպես նաև Կողմերի փոխադարձ համաձայնությամբ: Պատվիրատուի նախաձեռնությամբ Պայմանագրի վաղաժամկետ լուծման հետևանքները կարգավորվում են սույն Պայմանագրով և/կամ ՀՀ օրենսդրությամբ՝ կախված այդպիսի լուծման շարժառիթ հանդիսացած հանգամանքներից: Կատարողի նախաձեռնությամբ Պայմանագրի վաղաժամկետ լուծման դեպքում, Կատարողը պարտավոր է ամբողջությամբ հատուցելու Պայմանագրի վաղաժամկետ լուծման հետևանքով Պատվիրատուին պատճառված վնասները՝ ներառյալ բաց թողնված օգուտը:
- 8.9. Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով, կամ Կողմերի համաձայնությամբ նախատեսված այլ եղանակներով:
- 8.10. Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից 5 (հինգ) աշխատանքային օրվա ընթացքում, հակառակ դեպքում՝ նախկինում տրամադրված վավերապայմաններով արված վճարումները, ուղարկված ծանուցումները համապատասխանաբար կհամարվեն ժամանակին կատարված կամ պատշաճ հասցեով ուղարկված:
- 8.11. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:
- 8.12. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
- 8.13. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ:

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պատվիրատու
«Հայաստանի հանրային հեռուստաընկերություն» ՓԲԸ
 Հասցե՝ ՀՀ, ք. Երևան, Գ. Հովսեփյան 26
 ՀՎՀՀ՝ 01540062
 «Ինեկորբանկ» ՓԲԸ
 Հ/Հ՝ 2050022082671001

Կատարող
«Գրավիթի Փրոդաքշն» ՍՊԸ
 Հասցե՝ ՀՀ, ք. Արմավյան, Սարալանջ 2. 13/31
 ՀՎՀՀ՝ 03551985
 «ԲԻԲԼՈՍ ԲԱՆԿ ԱՐՄԵՆԻԱ» ՓԲԸ
 Հ/Հ՝ 2140006309360100

Հովհաննես Մովսիսյան
 Գործադիր տնօրեն



Հավելված 1
18 նոյեմբերի 2022թ.-ին ստորագրված
N ՀՀՀ-ՄԱԾՁԲ-22/86-Պ պայմանագրի

ՆԱԽԱՀԱՇԻՎ

«Մանկական Եվրատեսիլ 2022» երգիկ մրցույթի հայաստանյան մասնակցի տեսաՏեսահոլովակի նկարահանման ու մոնտաժման ծախսերի

N	Անվանում	Չափման միավորը	Քանակը	Միավորի նախահաշվային գումարը, ներառյալ հարկերը, ՀՀ դրամ	Ընդամենը նախահաշվային գումարը, ներառյալ հարկերը, ՀՀ դրամ
Անձնակազմի վարձատրության ծախսեր					
1	Բեմադրող ռեժիսոր, մոնտաժող	ծառայություն	1	1,125,000.0	1,125,000.0
2	Բեմադրող օպերատոր	ծառայություն	1	777,777.8	777,777.8
3	Ռադիոֆոնկուս	ծառայություն	1	44,444.4	44,444.4
4	Ֆոնկուս պուլեր	ծառայություն	1	155,555.6	155,555.6
5	Պարային ելույթի բեմադրություն և ապահովում	ծառայություն	1	977,750.0	977,750.0
6	Դիմահարդարում և վարսահարդարում	ծառայություն	1	244,444.4	244,444.4
7	Լուսավորման անձնակազմ	ծառայություն	5	83,300.0	416,500.0
8	Ռոնին	ծառայություն	1	168,450.0	168,450.0
9	Տրանսպորտային ապահովում	օր	2	132,500.0	265,000.0
ԸՆԴԱՄԵՆԸ					4,174,922.2

Վարձակալության ծախսեր

N	Անվանում	Չափման միավորը	Քանակը	Միավորի նախահաշվային գումարը, ներառյալ հարկերը, ՀՀ դրամ	Ընդամենը նախահաշվային գումարը, ներառյալ հարկերը, ՀՀ դրամ
1	Տեսախցիկի վարձակալություն	օր	2	325,000.0	650,000.0
2	Լուսային սարքավորումների վարձակալություն	օր	2	266,666.7	533,333.3
3	Ավտոգրիպի վարձակալություն	օր	1	77,777.0	77,777.0
4	Դրոնի վարձակալություն	օր	1	55,555.0	55,555.0

5	LED էկրանների և ծայնային սարքավորումների վարձակալություն	օր	1	1,521,250.0	1,521,250.0
ԸՆԴԱՄԵՆԸ					2,837,915.3

Արտադրական այլ անհրաժեշտ ծախսեր

N	Անվանում	Չափման միավորը	Քանակը	Միավորի նախահաշվային գումարը, առանց հարկերի, ՀՀ դրամ	Ընդամենը նախահաշվային գումարը, առանց հարկերի, ՀՀ դրամ
1	Գնեերատորի ապահովում և սպասարկում	օր	1	105,265.0	105,265.0
2	Անձնակազմի սննդի ապահովում, թվով 30 անձնակազմ	օր	2	65,850.0	131,700.0
ԸՆԴԱՄԵՆԸ					236,965.0

	Ընդամենը				7,249,803
	Շահույթ				810,000
	Ընդամենը				8,059,803
	Շրջանառության հարկ՝ 5%				424,200
	Ընդամենը, ներառյալ ԱԱՀ				8,484,003

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ


Պատվիրատու
 «Հայաստանի հանրային հեռուստաընկերություն» ՓԲԸ
 Հասցե՝ ՀՀ, ք. Երևան, Գ. Հովսեփյան 26
 ՀՎՀՀ՝ 01540062
 «Ինտերբանկ» ՓԲԸ
 Հ/Հ՝ 2050022082671001

Կատարող
 «Գրավիթի Փրոդյաքշն» ՍՊԸ
 Հասցե՝ ՀՀ, ք. Արմավյան, Սարալանջ 2. 13/31
 ՀՎՀՀ՝ 03551985
 «ԲԻԲԼՈՍ ԲԱՆԿ ԱՐՄԵՆԻԱ» ՓԲԸ
 Հ/Հ՝ 2140006309360100

Հովհաննես Մովսիսյան
 Գործադիր տնօրեն



Արամայիս Հարապետյան
 Տնօրեն



ԿԱՏԱՐՈՂԻ ԿՈՂՄԻՑ ՊԱՏՎԻՐԱՏՈՒԻՆ ՆԵՐԿԱՅԱՑՄԱՆ ԵՆԹԱԿԱ ՀԱՇՎԵՏՎՈՒԹՅԱՆ ՁԵՎ

«.....» Ընկերության թիվ ՀՀՀ-ՄԱԾՁԲ-22/86-Պ Պայմանագրի շրջանակներում
«Մանկական Եվրատեսիլ 2022» երգի մրցույթի հայաստանյան մասնակցի տեսաՏեսահոլովակի
նկարահանման ու մոնտաժման փաստացի ծախսերի վերաբերյալ
ՀԱՇՎԵՏՎՈՒԹՅՈՒՆ

N	Անվանումը	չափման միավոր	Պայմանագրին կից նախահաշիվ			Փաստացի կատարողական			Հիմնավորող փաստաթղթի նկարագրություն
			Քանակը	Միավորի արժեքը, ներառյալ հարկերը, ՀՀ դրամ	Ընդամենը նախահաշվային գումարը, ներառյալ հարկերը, ՀՀ դրամ	Քանակը	Միավորի փաստացի արժեքը, ներառյալ հարկերը ՀՀ դրամ	Ընդամենը փաստացի գումարը, ներառյալ հարկերը, ՀՀ դրամ	
Անձնակազմի վարձատրության ծախսեր									
1									
2									
	ԸՆԴԱՄԵՆ								
Վարձակալական ծախսեր									
1									
2									
	ԸՆԴԱՄԵՆ								
Նկարահանումների կազմակերպման այլ անհրաժեշտ ծախսեր									
1									
2									
	ԸՆԴԱՄԵՆ								
Այլ չնախատեսված ծախսեր									

1								
2								
	ԸՆԴԱՄԵՆ Ը							

	ԸՆԴԱՄԵՆ Ը							
	Շահույթ							
	ԸՆԴԱՄԵՆ Ը							
	Շրջանառու թյան հարկ							
	ԸՆԴԱՄԵՆ Ը							

Կատարող

« »
Հասցե՝
ՀՎՀՀ՝
Բանկ
Հ/Հ՝

Տնօրեն

Կ.Տ

»:

Պատվիրատու
**«Հայաստանի հանրային
հեռուստաընկերություն» ՓԲԸ**
Հասցե՝ ՀՀ, ք. Երևան, Գ. Հովսեփյան 26
ՀՎՀՀ՝ 01540062
«Ինտելոքսնկ» ՓԲԸ
Հ/Հ՝ 2050022082671001

Կատարող
«Գրավիթի Փրոդյաքշն» ՍՊԸ

Հասցե՝ ՀՀ, ք. Արվյան, Սարալանց 2/13/31
ՀՎՀՀ՝ 03551985
«ԲԻԲԼՈՍ ԲԱՆԿ ԱՐՄԵՆԻԱ» ՓԲԸ
Հ/Հ՝ 2140006309360100

Հովհաննես Մովսիսյան
Գործադիր տնօրեն



Արամայիս Հայրապետյան
Տնօրեն

